

右法罡風皆有青紫綠炁氤氳交結度此而登天門神吏請上章驛吏如風雷之迅凡度罡風見五色雲青紫黃白黑赤綠也皆不定寒凜霜雪冷風嚴勁如聞雷聲當凝神靜思次見青黃道若世之王者引進入黃道若悟真之士則入青道不得犯黃道若犯黃道魂魄不返致成失魂拜章之時須認黃道其炁如旋風狀如海螺極光明詳認而入自然有童子幢節來迓至第一天門陽精之門或為民祈福即候唐將軍通奏

上帝旨允而還此是第一天門內司天樞府呈章契勘合同如為國家或禳水火妖旱不祥或求嗣宮庭祈福之事再入第二洞華天門即係葛將軍引見契勘合同如四五為國兵火疫癘社稷之事則入第三門金華寥陽之門名正陽門即係周將軍引見天師張君紫霄府引見呈章奏帝乞

旨此為國家大事兵革水火求嗣社稷奏

取
帝旨報應也

道法會元卷之一百八十三



道法會元卷之一百八十四 面六

上清五元玉冊九靈飛步章奏秘法

章科第七

先於章官幕祭章官三獻文宣章官疏

華夏引陞壇上

御案香三捻祝云初捻香願達玉清境二

捻香願達上清境三捻香願達太清境

兩手捧章置御案再拜 日東夜西 正立曲身

各禮師存念如法

存本師位西立存東方諸君丈人南方道

德眾尊西方正一三師北方太上老君每

方心禮三拜次存身中左青龍右白虎頭

朱雀足玄武存左日右月去面各九寸七

星在頭上青炁從肝中出布滿一室清光

過乎日月存唐將軍從左腎中出立左葛

將軍從右腎中出立右周將軍從心中出

立前兵士各三萬眾朱衣赫然存五德

將軍 乃五 列位五方存天驕甲兵臍間出

天丁力士額前出狼吏虎黃兩眉間出罡

風騎置吏兩膝間出收炁食炁吏鼻間出

存傳章玉童玉女各立左右直使功曹朱衣黑幘正立前神仙之道恍惚之間斯須則至存念不宜久時

宣衛靈呪

九天上仙 道炁長生 神室太景 寢映朱瓊
逸宅丹元 受事玉清 十轉九回 七混五成
神輝共耀 振策黃庭 道達三變 鎮神含靈
玉帝散惠 隱羽玄經 千真傾輪 五星命真
披珠巾羽 森列帝庭 左命神虎 右佩金兵
九天徑成 煥擲火鈴 滅魔破妖 攝邪挾精
風火赫震 六天摧傾 豁落北鄴 九魔寒水
逆道者誅 順道者生 上帝有令 勅衛神兵
敢有干試 以付六丁 有妖即戮 有毒即刑
保神守衛 攝邪斬精 六天以誅 威震萬靈
保神驅穢 霄朗三清 萬真受事 俱會帝庭
玄震洞和 七星輝明 神風散魔 道場肅清
仁惠蕩鬼 玉帝祝生 九天垂命 攝真馭靈
奉請皇命 仙道克成

鳴法鼓二十四通

無上玄元太上道君召出巨身中三五功曹

左右官使者侍香金童傳言散花玉女五帝直符直日香官各三十二人出出者嚴裝闕塔玄壇天帝神君當召此間土地里域真官正神以今奉為入意祈恩玉闕進拜朱章願得玉清道炁靈寶妙光下降流入臣等身中即使紫精鬱勃玉闕開明五老輔根萬帝攝真體圓珠映乘景驂宸金光煥赫御炁上清令臣所啓速達逕御
太上無極大道無形無名虛無自然金闕至尊玉陛下

各稱法位

具位臣某與臨壇官眾等謹同誠上啓
虛無自然元始天尊妙無上帝太早金闕前聖虛皇玉宸大道君太平金闕後聖萬變混沈玄元老君玄都玉京上帝高真萬天上帝
東華上相木公青童大道君九靈太真金母丹皇大道君太上丈人九炁丈人上相丈人青龍宮太一玄生帝君鳳閣諸天司命道德眾尊少昊金樓太上三師君天曹門下四司君玄冥宮太真門下太一靈妃君太陽炎

光鬱明上真道君太陰皇華素曜聖后元君南辰六闕上真道君北極九府上真道君三元宮大帝君五靈五老天帝君玄中大法師三天大法師玉清上相大羅無極神公泰玄上相天機上相天機內相天樞使相天樞

左相天樞右相天曹諸司真君天曹門下上章典者引進仙官上章詞表靈官上章二十四真人三天門下上仙道化真君上靈定志真君上神護正真君十方至真飛天神王五嶽真君東嶽上卿司命真君太平下教二十四真人南極紫真大帝玉宸聖后金闕上保檢仙司命東華道君金闕大夫東華領真上清仙君正一嗣師系師女師真君王趙二玄真人三洞三乘經籙法中上聖高真神仙將吏流傳至教經籍度師得道真人太歲尊神土地主執三界官屬一切威靈臣聞綠霞八淨瓊羽翼金華之邃紫煙九素雲珠聯玉映之崇曜流日於鬱羅鵠飛霄於劫仍清微高拱儼天寶而煥圓華碧落空凝湛神輝而騰秀朗皆無無上真之境廓玄玄中證之微惟

祖炁之凝精分三華谷瞻神光之胤粹照九
泥城玉京象天晨金霄之奇瓊關列洞陽元
景之妙玄峯澄寂運八緯以雲升丹室虛靈
昭七經而日煥非內非外無形無名臣以稟
悉太無流形妙有判玄圖於西禁帝渥羅敷
定紫策於東華師恩鬱勃寄影煙林之邃密
棲心雲漢之飛翔結節流披王藻嚼空青之
寶精神泰定金華全虛白之珎流珠期煥於
經聲鳴玉敢敷於道悉緬惟下教益翼上乘
金石初忱快觀三天之聖日丹青終誓宜弘
九地之真風今有共為共事拜共章上扣紫
虛下殫丹悃蒼蒼正色帝關羅虎豹之嚴渺
渺大羅天陞肅龍鸞之衛茂八騫而飛雲翥
藹華三秀而祥霧玲瓏徒心企於鴻釐曷面
敷於龍御仰冀玄尊錫慶上聖流恩煥黃道
以周回啟玄闕而洞朗流鈴振響攝浩炁於
霄衢仗猶衛嚴掃罡風於雲路令臣神光洞
煥梵炁彌羅步金霞而芝玉凝真靈虛參混
乘瓊煙而黍珠入妙定慧雙圓飛谿落於靈
臺觀玄丹於華蓋臣無任瞻

天聖聖激切懇祈之至謹言

重鳴法鼓二十四通簡閱吏兵行車

謹出臣身中玉門紫戶三十九關上真靈官
三部八景二十四真五體真官丹元真人上
清虛無自然左右領仙玉即飛仙玉虛侍郎
各二十四人出五帝五色元皇太真飛龍功
曹上元功曹飛行功曹各二十四人出玉虛
飛仙使者太仙使者神仙使者各二十四人
出玉虛金童玉女飛行金童玉女八節直言
直事各二十四人出某治建節監功大將軍
前部效功後部效殺驛庭令驛庭丞四部監
功謁者上仙上靈二官直使正一功曹左右
官使者陰陽神決吏科車赤符吏罡風騎置
吏驛馬上章吏飛龍騎吏各二人出出者嚴
裝顯服冠帶垂纓整其威儀領仙玉即冠飛
女玉冠衣九色龍文虎衣執命魔靈樁立左
王虛侍郎冠元晨玉冠衣五色飛仙羽衣執
九色靈樁立右飛龍功曹冠九德通天之冠
衣九色風衣腰帶虎書執召神之符在上飛
仙功曹冠九德通天之冠衣五色羽衣腰帶

金鈴執攝煞之律在下飛仙使者冠飛天王
冠衣五色斑文之衣手執金符建節在前神
仙使者冠朱陽玉冠衣九光飛仙之衣手執
玉版持幢在後玄黃太真功曹使者冠帶羽
服金真鳳章露落七元執玉案對立臣前正
一功曹弁朱陽之憤冠通天之冠衣皂執單
衣腰帶龍頭之劍捧持謁簿二官使者弁玄
陰之憤冠九德之冠衣絳章單衣腰帶虎符
齋持玉版建節持幢立臣前後狼吏虎賁察
奸勾騎都官僕射天驕甲卒天丁力士治正
執正吏收神食神吏收鬼食鬼吏收炁食炁
吏收毒食毒吏收邪食邪吏收精食精吏治
中主簿治中校尉雲中督吏幹佐小吏金光
童子典章從官通章舍人行章童子元台小
吏玄都力士九光玉伯高車司馬通章小吏
承章令吏通章書佐部章督郵典錄功曹典
錄小吏呈章從事奏章從事校章從事定章
從事刺章從事印章從事齋章從事太初直
符直事太無直符直事太素直符直事太真
直符直事太玄直符直事太一直符直事虛

無直符直事五帝直符直事四直符直事
五行直符直事六律直符直事七政直符直
事八卦直符直事九宮直符直事四部監章
從事進章鳳凰騎上章雲龍騎言章風發騎
御章神龍騎奏章飛龍飛虎騎茶靖侍靖仙
官玉童玉女靈官功曹諸省府院司通進仙
官神吏一時嚴裝羅列鹵簿屯駐圍繞受臣
詞語分別闕啓玄壇土地四面真官三洞威
神三寶官屬三五功曹左右官使者侍香金
童傳言玉女五帝直符直日香官左右龍虎
君侍衛靈官三天承章典者三天飛章靈官
三天通章玉女扶章素女三天承受玉女三
十二天承受玉女三天上奏靈官諸天傳奏
靈官左右綉衣使者十方飛天使者傳言奏
事飛龍騎吏在時受事應感仙靈道上二玄
三元四始甲子諸官君將吏並乘玉輿綠轅
雲辮瓊輪羽蓋飛虬之乘飛行紫虛上登三
天之上金闕王殿瓊房丹室為臣同誠上啓
太上無形無名虛無自然至真大道無上玄
尊金闕玉陛下臣以昌運欣逢慶基宿提神

凝九室觀三炁以珠聯雲謁三宮羅九真而
璧合御震靈之寶座佩景耀之神鋒林壑怡
神樊籠息影爰念乾坤化育盡證質於玄功
經緯生成宜恢弘於洪範學真宴坐翊教經
行凡有皈投所宜敷告今為某人某事拜某
章祈三天之惠澤宏九地之慈恩臣謹依元
降九靈飛步秘典騰箋飭函依科操進伏望
功曹使者受事仙靈洞鑒翹勤對臣料理務
契玄格上詣金門龍刀瑤環金魚玉鴈舒鎮
洞案請省章文

宣章
謹上請十方無極飛天神王九天尚父天蓬
大元帥九天翊佐天猷副元帥九天上輔黑
煞大元帥九天遊奕玄武大元帥三天陽精
門左上仙蔽身大將軍洞華門右上靈隱形
大將軍正陽門中上神藏形大將軍左門錢
將軍右門李將軍押軍陳將軍其異舞索二
大天丁天門守禦諸神剛風上吏
謹上請三天門下上官典者引進仙官上章
詞表靈官上章帝妙真人上善真人執樞真

人明月真人白華真人韓老真人龍騎真人
陀羅真人善達真人洞觀真人救苦真人流
光真人白一真人黃華真人白慧真人洞安
真人丞相真人上將真人北都真人相如真
人小游真人呂真人九光真人定國真人
青帝慶壽功曹白帝紀善功曹赤帝注生功
曹黑帝元命功曹黃帝中治功曹甲子促炁
功曹甲戌治病功曹甲申直事功曹甲午正
一功曹甲辰中部功曹甲寅四部功曹四直
王文功曹運神會道功曹承受典吏

謹上請五方五炁鎮章大將按章靈官十二
月奏章靈官奏章大將十二月呈章靈官點
檢進章靈官三界傳奏功曹報應呈章靈官
通章從事玉清總召三界內外金闕上佐發
放九天御史大夫天樞院發放司主吏佐吏
流金火鈴大將九天雲路正一功曹開天符
命使者九天通章使者通進仙吏
謹上請上清靈飛太玄玉女青腰玉女拜精
玉女絳官玉女太素玉女黃素玉女順炁玉
女捉月玉女開心玉女寄房玉女得喜玉女

曹澤玉女金晨玉女太華玉女玉清妙華金童紫光玉女神府綉衣玉童綉衣玉女諸天五色玉童綉衣玉女洞天洞玄洞靈飛行侍香玉童散花玉女靈官仙吏

謹上請玉清八威治魔都統神慧救鬼都伯史總領鬼兵三天大元帥九天尚父執麾左領神王執幢右領大神鼓樓後部力士執節前引天丁辟邪獅子窮奇麒麟天馬大神命魔仗幡大帥玉清擲火萬里大將軍玉清流鈴八衝大將軍金鉞前戮大神巨天後刑大將玉清屠割使者風火征伐大將軍剪截鬼穢大神明檢鬼營大將金馬驛程大神列言上清錄事靈虛辨魔護道仙靈官吏謹上請玉清雌一將軍雄一將軍大洞將軍黃室將軍白雲將軍隱道將軍真諱將軍龍騎將軍鳳車將軍總監大將軍統兵大將軍發放大將軍伏魔大將軍九天越天大將軍正天大將軍九道大將軍九剛營門大將軍五蓋大將軍玄老大將軍玄留大將軍周天大將軍中玄大將軍五老大將軍蓋天大將

軍中律大將軍還天大將軍中域大將軍中微大將軍中庭大將軍中建大將軍東夷老青領將軍青始車騎除逆伏衛兵南越老赤領將軍赤玄車騎扁鵲伏衛兵西氐老白領將軍白玄車騎捍尼鐵輪兵北羌老黑領將軍黑玄車騎反甲逆鱗兵中央秦老黃領將軍黃始車騎部領黃雲兵大上西域兵營門兵南溪兵督天兵發地兵虎賁兵柱天兵施天兵中官五營兵九原中野兵九天丈人兵五方五蓋兵將帥騎吏

謹上請太玄自然三洞天仙兵馬地仙兵馬神仙兵馬飛仙兵馬真人兵馬神人兵馬日月星宿兵馬九官五帝兵馬五嶽四瀆兵馬三河四海兵馬金龍飛龍騎遊龍神龍騎驛龍雲龍騎躍龍騰龍騎太空自然輔仙飛玄騎輔真飛騰騎輔神飛行騎輔帝騰空騎輔靈騰虛騎飛輪策空騎飛仙騰空騎飛瓊羽蓋策轡騎龍輶綠轡策轡騎制地飛龍騎流光耀電騎與雲降雨騎耀激追電騎執節金光騎飛龍騎吏

謹上請雷霆都部署九天欽火律令大赤元帥鄧天君九天遊奕北極正一魁神純真靈官馬元帥護道崇寧威烈關將軍監壇翊靈正佑溫元帥部領威烈德乘萬騎本靖諸省府院司將吏兵馬臣御籙膺符昭圖佩券空

常飛步履魂魄於二辰儀璘高奔灌精華於八素守珮璫而旋運熈離坎以奔飛混景融三御神光於丹闕回嬰守一攝生悉於玄關將騰碧落之崇肆親清都之遠凌空背土期肅衛於軒輪御悉飛神膺戒嚴於室宅以今飛龍後從驛馬前驅梵炁彌羅煥金光而上應元網流演舒絳練以高征領章奏之職司與翊衛之官屬中嚴幽簿外辦鉞魔八威森擲火之揚四張儼流金之煥應感倏忽與臣同升恭按威儀遣章操仗

遣章

謹遣臣身中三十九真三部八景五體真官小吏書佐功曹使者神吏眾官顯服嚴裝整其威儀為臣護持其章一通操詣三天分別進對若有謬誤尋文註改勿令上官典者有

所謹却速逕御

太上無極大道無形無名虛無自然金闕玉
陛下慎勿稽侍當令所請者下所濟者度若
有下官故悉於道路雲霧中斷截臣章使不
得上達者錄付天一北獄依玄都鬼律治罪

以明天憲臣伏在案前須待玄恩報應

迎章焚 高功升神 道眾舉焚詞頌
進章畢

重稱法位

具位臣某謹重誠上啓

太上無極大道三清上聖十極高真玄都玉
京萬天上帝東華南極西靈北真道君太一
玄生帝君諸天司命道德眾尊太上三師君
天曹四師君太一靈妃君南辰北極三官大
帝五老帝君玄中大法師泰玄樞機三省上
相天君三天門下上官典者三元真君飛天
神王三界官屬一切真靈臣聞霄衢寥廓雲
層稱浩劫之家神室虛靈日耀映玄歸之界
合三微而朱霞羅絡儻七變而丹霧回旋悉
映玉清既回靈於混沌精凝金極宜入妙於

虛無臣以幽密留青希夷養素運丹珠於秀

谷玄景飯張朝翠玉於華京清光密通雖敷
陳於激越懼塵冒以凌兢荷道雷震曲涵雨
露聖澤昭天而玄黃丕冒神釐燭地而幽顯
咸濟喜慶難言惟樂無量更願三華鬱秀八
景紛輪開煥雲甘露於青冥融霽月光風於
黃泥羣靈舞手萬類惟願瞻獅座於始青神
交澄寂返倪輪於大赤景定虛圓臣不勝依
戀屏營之至稽首再拜謹言

景紛輪開煥雲甘露於青冥融霽月光風於

黃泥羣靈舞手萬類惟願瞻獅座於始青神
交澄寂返倪輪於大赤景定虛圓臣不勝依
戀屏營之至稽首再拜謹言

納官

臣上章事竟向來所出身中玉門紫戶僊真
靈官並從衆妙門而入在左還左在右還右
九真備守五老保關重扉幽密玉室彌綸功
曹檢押母令差互後召復到一如故事

十二願 復爐

香官使者左右龍虎君侍香諸靈官當令臣
上章之所自然生金液丹碧芝英百靈眾真
交會在此洞案爐前令臣體耀金輝斬伐胞
根七玄拔擢百關備仙解除死籍宴坐泥九
東華紀字策景虛玄十方仙童玉女接侍香

煙傳臣向來所啓之言速逕逕御

太上無極大道無形無名虛無自然金闕玉
陛下

出堂頌

章官醮科

具位姓某謹焚香上啓

三天門下上元道化真君中元護正真君下
元定志真君上章二十四真人某治建節監
功大將軍前部效功後部效殺驛庭令驛庭
丞四部監功調者上德上靈二官直使正一
功曹左右官使者陰陽神決吏科車赤符吏
剛風騎置吏驛馬上章吏飛龍騎吏進章鳳
凰騎上章雲龍騎言章風發騎御章神龍騎
奏章飛龍飛虎騎狼吏虎黃察姦勾騎都官
僕射天騎甲卒天丁力士治正執正吏收神
食神吏收鬼食鬼吏收悉食悉吏收毒食毒
吏收邪食邪吏收精食精吏治中主簿治中
校尉雲中督吏幹佐小吏金光童子典章從
官通章舍人行章童子元始小吏玄都力士

九光玉伯高車司馬通章小吏承章令史通章書佐部章督郵典錄功曹典錄小吏呈章通章諸從事太初諸部直符直事四部監章從事三天承章典者三天飛章靈官三天通章玉女諸天承受玉女三天上奏靈官諸天傳奏靈官五帝直符六甲功曹運神會道功曹四直玉文功曹靈飛丁甲玉女靈寶赫奕仙曹某靖侍靖仙官玉童玉女主將副將護道監壇諸大元帥諸省府院司仙靈官吏在時用事一切威靈伏聞玄元始分太無之粹窠拱清微天靈神凝妙有之精潛乎皇極運神機而玄關入妙鼓靈籥而丹室澄真西園流華飛步希奇於三五東諸瀛秀高芥變化於億千昭昭身外之身爽爽象中之象以今奉為某人進拜朱章仰瞻慈闕冒奏葵忱策驛馬以前驅而六金光明映駕飛龍而上邁瓊彩瀉明惟資翊衛之功庶證感通之妙敢陳禱祭庸登羽乘伏望砌陸離御靈風於碧落旂旄璫璅乘苑蒸於玄虛無辭稅駕之勞少慰停輪之請其不勝激切望恩之至謹當奉

請

初獻

其謹重誠上啓

章中官吏一切威靈伏聞旋斗歷箕仰存三於靈寶入乾出巽宣正一於玄元惟九靈入妙之真寶三洞又玄之奧丹皇啓運紫虛膺圖大赤天中俯運而玉蓮汎景始青景上仰瞻而珠黍浮空探玄經緯之靈關疑妙雌雄之聖域以今奉為某人進拜朱章自惟濁質且抗塵容惟道集虛莫混日飛月奔之妙因定發慧未符雲藏風靜之機匪肆觀於天顏曷昭宣於民欲伏望恪遵青律嚴護朱函萬里虹梁賴翊扶而飛度九重雲闕憑導從以高登翠節委蛇丹旌赫奕真人房肅朝元之仗霞映虬輪學士院隨拱極之班日輝獅座觀青光而密通導紫炁以運教其不勝虔禱之至

亞獻

其謹重誠上啓

章中官吏一切威靈伏聞凌空背土冷然蒸

映於蒼圓調景升神湛若神交於紫漢非內非外無去無來仰紫闕虎衛之嚴企玄曹蟬聯之貴飛軒下邁既寂感以雲從翼轅上征更潛昭而日赫伏望流鈴減試握節微魔威策黃中掃罡風於九醜令嚴丹甲攝遊蒸於八衝前驅資律令之神後從藉赫奕之將承受內禁發放中樞各殫佐命之勤庸導升神之邃三元金鑰母訶阻於霄衢四直玉文徑奔衝於雲路庶得霖霖步武芝陛承顏筆煥朱衣共仰靈光之浩蕩綸飛黃幅咸蒙道炁之扶搖被瓊環而雲歛青冥回鹵薄而風清黃道等憑聖武為壯威神朗玄覺於靈華三真羅絡凝丹元於澄寂萬蒸虛圓其不勝虔禱之至

終獻

以今四炁朗清三華洞煥將身朝於金闕庸面禮於玉堦顧惟玄局之森羅香狝素牋之謹飭青龍宮玄生左府鳳閣道德衆尊少昊金樓天曹門下暨玄冥太真之館皆靈飛通進之司悉進表文仰希傳導願迂留於英

武侯整辦於術儀同步虛無徑登大有儻功
勤之昭著當效報之駢蕃臣不勝虔禱之至

道法會元卷之一百八十四

道法會元卷之一百八十五

上清五元玉冊九靈飛步章奏秘法

章儀第八儀者威儀也存
拜行持之詳

師曰凡章有三一曰拜章二曰存章三曰遣
章拜章者何鍊真集炁元皇正一久而行之

陽神自出故得升三界存章者何未證妙道
陽神不全真神不出只得陰陽交孚滌垢去
穢清心不動神炁交結以神招神以炁招炁
遣章者何六情不斷俗塵未消神不交神炁
未定炁穢炁未消體未洞真故以物象敬奉
官君將吏謂不能以神昇碧落神炁朝元神
靈相助以章書付之於神傳令列三法于後

一曰拜章

拜章集神以正月一日或三月三日五月五
日七月七日九月九日起首清淨齋戒入室
東向平坐以古鏡一面明瑩者左手持鏡右
手握固凝神定息嚴具衣冠存思已形明照
熟認再擇庚申甲子日子時入靖室依前端
坐即不用鏡叩齒三十二通定神不得有纖
毫着相甚如太虛存當時父母生我者一點

面七

靈光真性在頂上於子午卯酉時每一時定
三十六息如此行之三十六時後只一時九
息十二時中皆行即默念集神呪曰

神光神光赫赫四方勅吾真性在天即還天
在地即還地在吾身中道炁滿光化為真人

次存靈根一點混泥在泥丸中不動定息
少頃出室檄炁出神然後遇八節本命日
卯時入室定神定炁和端坐納息三十
六定坐忽然有飛天大如芥子或如豆或
如明月在滿室光可騰此乃神出也便急

念前集神呪若有外境交合即念呪召神
歸身若隨眾境逐樂恐神不返如至神出
入八十日可以純熟頃刻萬里飛遊三界
每夜臨臥先須念勅身呪七遍

勅吾身中五體之神三百六十骨節之神一
萬二千精光之神吾一靈真性出入往來不
得令故炁侵吾室定急急如律令

服符訣

法師入室步九靈罡返身入中宮左手中指
中文右手子文瞑目叩齒三十二通存自肺